

## Suspek sama kes Nurin

13/1/08 - 13 JAN 2008

**P**olis tidak menolak kemungkinan penculik Sharlinie Mohd Nashar, 5, adalah orang sama yang terbabit dalam kejadian melarikan Nur Fatihah Zaidi, 6, Isnin lalu serta pembunuhan Allahyarham Nurin Jazlin Jazimin, 5, September lalu.

Ketua Polis Petaling Jaya, Asisten Komisioner Arjunaidi Mohamed berkata demikian ketika mengulas dakwaan bapa Nurin, Jazimin Abdul Jalil, 34, mengenai lakaran wajah suspek yang diedarkan polis sebelum ini mirip suspek kes pembunuhan anaknya..

"Lakaran itu sebenarnya ialah suspek yang melarikan Nur Fatihah Isnin lalu. Bagaimanapun polis tidak menolak kemungkinan dia juga terbabit dalam kes penculikan Sharlinie," katanya.